

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
Қ А Р О Р И



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

„ 7 “ март 2018 й. г. № 185

Тошкент ш. – г. Ташкент

Алоқа, ахборотлаштириш ва телекоммуникация хизматлари сифатини янада яхшилашга доир чора-тадбирлар тўғрисида

Ахборот-коммуникация технологияларини ва “Электрон ҳукумат” тизимини иқтисодиётнинг барча тармоқларида, ижтимоий соҳада ҳамда давлат хизматлари кўрсатиш жараёнига фаол жорий этиш ҳамма жойда замонавий телекоммуникация инфратузилмасини ривожлантириш ва унинг барқарор фаолиятини таъминлашни талаб қилади.

Бунда алоқа, ахборотлаштириш ва телекоммуникация хизматларининг ишончилиги ва сифати алоҳида аҳамият касб этиб, уларнинг бузилиши жиддий оқибатларга олиб келиши мумкин.

Телекоммуникация тармоқларининг барқарор ва ишончли ишлашини таъминлаш, белгиланган стандартлар ва нормативларга мувофиқ кўрсатилаётган хизматлар сифатини ошириш, шунингдек, истеъмолчилар ҳуқуқларининг ҳимоя қилинишини таъминлаш мақсадида Вазирлар Маҳкамаси қарор қилади:

1. Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш тартиби тўғрисидаги низом 1-иловага мувофиқ тасдиқлансин ва 2018 йил 1 июндан бошлаб амалга киритилсин.

2. Ўзбекистон Республикаси Ахборот технологиялари ва коммуникацияларини ривожлантириш вазирлиги:

Ўзбекистон Республикаси Молия вазирлиги ва Адлия вазирлиги билан биргаликда бир ой муддатда қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш ва қўллаш тартиби тўғрисидаги низомни ишлаб чиқсин ва белгиланган тартибда тасдиқласин;

Ўзбекистон Республикаси Давлат статистика қўмитаси билан биргаликда икки ой муддатда алоқа, ахборотлаштириш ва телекоммуникация технологиялари соҳасидаги идоравий статистика кузатувлари шаклларини қайта кўриб чиқсин ва қонунчилик талабларига мувофиқлаштирсин;

қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги ҳолатлари бўйича маълумотларни аниқлаш ва олиш жараёнини автоматлаштириш йўли билан самарали механизмларнинг жорий қилинишини таъминласин.

3. Ўзбекистон Республикаси Хукуматининг 2-иловага мувофиқ айрим қарорлари 2018 йил 1 июндан бошлаб ўз кучини йўқотган деб ҳисоблансин.

4. Ўзбекистон Республикаси Ахборот технологиялари ва коммуникацияларини ривожлантириш вазирлиги манфаатдор вазирликлар ва идоралар билан биргаликда икки ой муддатда улар томонидан қабул қилинган норматив-ҳуқуқий ҳужжатларни мазкур қарорга мувофиқлаштирсинлар.

5. Мазкур қарорнинг бажарилишини назорат қилиш Ўзбекистон Республикаси Ахборот технологиялари ва коммуникацияларини ривожлантириш вазири А.И. Ахмедхаджаев зиммасига ҳамда Ўзбекистон Республикаси Вазирлар Маҳкамасининг Ахборот тизимлари ва телекоммуникацияларни ривожлантириш масалалари ахборот-таҳлил департаментиغا юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2018 йил 7 мартдаги
185-сон қарорига
1-илова

**Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш тартиби тўғрисида
НИЗОМ**

1. Мазкур Низом Ўзбекистон Республикаси Президентининг “Ахборот технологиялари ва коммуникациялари соҳасини янада такомиллаштириш чоратadbирлари тўғрисида” 2018 йил 19 февралдаги ПФ–5349-сон Фармониға мувофиқ қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш тартибини белгилайди.

2. Мазкур Низом алоқа, ахборотлаштириш ва телекоммуникация технологиялари соҳасида фаолият кўрсатаётган хўжалик юритувчи субъектларга (кейинги ўринларда хўжалик юритувчи субъектлар деб аталади) татбиқ этилади.

3. Молиявий санкциялар (жарималар) Ўзбекистон Республикаси Ахборот технологиялари ва коммуникацияларини ривожлантириш вазирлиги ҳузуридаги Алоқа, ахборотлаштириш ва телекоммуникация технологиялари соҳасида назорат бўйича инспекция (кейинги ўринларда Инспекция деб аталади) томонидан техник параметрлар, техник фойдаланиш қоидалари, алоқа, ахборотлаштириш ва телекоммуникация технологиялари воситаларининг ишлаши, шунингдек, хизмат кўрсатиш сифати бузилганлиги учун кўрсаткичларнинг ягона тизими бўйича ҳисобланади, табиий офатлар ёки фавқулодда вазиятлар оқибатида пайдо бўлган бузилишлар бундан мустасно.

Хўжалик юритувчи субъектларга нисбатан молиявий санкциялар (жарималар) суд тартибида қўлланади, улар томонидан содир этилган қонун бузилиши айби тан олинган ва молиявий санкциялар суммаси ихтиёрий равишда тўланган ҳолатларда эса белгиланган тартибда Инспекция томонидан қўлланади.

4. Молиявий санкциялар (жарималар)ни ҳисоблаш учун идоравий статистика ҳисоботи маълумотлари, бирламчи статистика маълумотлари, хўжалик юритувчи субъектларнинг тақдим этган ахборотлари, хизматларнинг сифат кўрсаткичларини ҳисобга олишнинг автоматлаштирилган тизимларидан олинган маълумотлар, шунингдек, Инспекция томонидан белгиланган тартибда аниқланган қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги ҳолатлари асос бўлиб ҳисобланади.

Молиявий санкциялар (жарималар)ни ҳисоблаш ва тўлаш мазкур Низомнинг 1-иловасидаги схемаға мувофиқ амалға оширилади.

5. Молиявий санкциялар (жарималар) миқдорлари мазкур Низомнинг 2-иловасиға мувофиқ Ўзбекистон Республикасида амалда бўлган энг кам ойлик иш ҳақи миқдориға мувофиқ равишда ҳисобланади.

6. Рақобат тўғрисидаги қонун ҳужжатлари ва истеъмолчиларнинг ҳуқуқларини ҳимоя қилиш тўғрисидаги қонун ҳужжатлари бузилганлиги учун ундириладиган жарималардан ташқари, молиявий санкциялар (жарималар) сифатида ундириладиган маблағлар хўжалик юритувчи субъектлар томонидан Ўзбекистон Республикаси Молия вазирлиги Ғазначилигидаги ғазна ҳисоб рақамларига қуйидаги муддатларда ўтказилади:

идоравий статистика ҳисоботиға мувофиқ – ҳар чорақда, ҳисобот давридан кейин 30 кун муддатда;

бирламчи статистика маълумотларига мувофиқ ва аниқланган қонун ҳужжатлари ва бошқа норматив ҳужжатлар, давлат стандартлари ҳамда алоқа, ахборотлаштириш ва телекоммуникация технологиялари соҳасида кўрсатиладиган хизматлар сифати бузилиши ҳолатлари бўйича Инспекциянинг тегишли қарори олингандан сўнг бир ҳафта муддатда.

7. Тақдим этилган бирламчи статистика маълумотлари, ҳисоботларининг ишончилиги ва молиявий санкциялар (жарималар)нинг ўз вақтида тўланиши Инспекция томонидан текширилади.

8. Санкциялар (жарималар)нинг тўлиқ миқдорда ўтказилмаганлиги аниқланган тақдирда тегишли сумма хўжалик юритувчи субъектлар томонидан Инспекциянинг қарори олинган кундан бошлаб икки ҳафта муддатда Ўзбекистон Республикаси Молия вазирлиги Ғазначилигидаги ғазна ҳисоб рақамларига ўтказилади.

9. Тадбиркорлик субъектлари томонидан биринчи марта ва эҳтиётсизлик туфайли содир этилган, шунингдек, зарар етказишга олиб келмайдиган қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун хўжалик юритувчи субъектларни жавобгарликка тортиш уларнинг мансабдор шахсларига нисбатан маъмурий жавобгарлик чораларини қўллаш билан чекланади. Ушбу ҳолатда хўжалик юритувчи субъектларга нисбатан молиявий санкциялар (жарималар) қўлланмайди.

Хўжалик юритувчи субъектнинг охириги ҳисобот санасидаги жорий активлари суммасининг 20 фоизидан ортиқ бўлган молиявий санкциялар (жарималар)ни ундириш унга ундириладиган суммани ундириш тўғрисида қарор қабул қилинган кундан бошлаб 6 ой мобайнида тўловларни ҳар ойда бўлиб-бўлиб тўлаш имконини берган ҳолда амалга оширилади.

10. Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатиладиган хизматлар сифатини бузилганлиги учун молиявий санкциялар (жарималар)ни ҳисоблаш:

хўжалик юритувчи субъектларни абонентлар (мижозлар)га алоқа, ахборотлаштириш ва телекоммуникация хизматлари кўрсатилмаганлиги ёки улар сифатининг пастлиги учун қонунчиликка мувофиқ улар томонидан етказилган зарарни қоплаш ёки тўловни қайта ҳисоб-китоб қилишдан;

мансабдор шахсларни Ўзбекистон Республикасининг амалдаги қонунчилигига мувофиқ жавобгарликдан озод қилмайди.

11. Инспекциянинг молиявий санкциялар (жарималар)ни ҳисоблаш тўғрисидаги қарорлари юзасидан қонун ҳужжатларида белгиланган тартибда шикоят қилиниши мумкин.

Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш тартиби тўғрисидаги низомга
1-илова

Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилганлиги учун молиявий санкциялар (жарималар)ни ҳисоблаш СХЕМАСИ

Субъектлар	Тадбирлар	Муддатлар
Алоқа, ахборотлаштириш ва телекоммуникациялар хизматлари кўрсатувчи хўжалик юритувчи субъектлар	Идоравий статистик кузатувлар шакллари ва бирламчи статистика маълумотларини белгиланган тартибда Инспекцияга тақдим этадилар.	Статистик ҳисобот шаклларида белгиланган муддатларда
“Ўзбекистон телекоммуникация тармоқларини бошқариш Республика маркази” ДУК	Ўзбекистон телекоммуникация тармоқлари ҳолатининг таҳлили ва мониторинги маълумотларини Инспекцияга тақдим этади.	Ҳар чоракда, ҳисобот давридан кейинги ойнинг 10-санасигача
Инспекция	Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифати бузилиши ҳолатлари тўғрисидаги маълумотларни белгиланган тартибда олади, аниқлайди.	Доимий равишда
Инспекция	Мазкур Низомнинг 1-иловасига асосан тасдиқланган кўрсаткичлар ва молиявий санкциялар (жарималар) миқдорларига мувофиқ молиявий санкциялар (жарималар)ни ҳисоб-китоб қилади ва ҳисоблайди.	Ҳар-чоракда
Инспекция	Хўжалик юритувчи субъектларга молиявий санкциялар (жарималар) ҳисобланганлиги тўғрисидаги қарорни белгиланган тартибда тақдим этади.	Ҳисобот давридан кейинги ойнинг 23 санасигача

Хўжалик юритувчи субъектлар	<p>Молиявий санкциялар (жарималар) ҳисобланганлиги тўғрисидаги қарорга жавобан Инспекцияга қуйидагиларни маълум қиладилар:</p> <ol style="list-style-type: none">1) Инспекция қарорига розилиги ва молиявий санкциялар (жарималар)ни тўлаши тўғрисида;2) ҳисобланган молиявий санкциялар (жарималар)ни тўлашни рад қилиш тўғрисида;3) белгиланган тартибда судга мурожаат қилиш ва Инспекциянинг қарори юзасидан шикоят қилиш тўғрисида.	Инспекция қарори олингандан сўнг бир ҳафта муддатда
Хўжалик юритувчи субъектлар	<p>Инспекция қарорига рози бўлган тақдирда, молиявий санкциялар (жарималар) тарзида ундириладиган маблағларни Ўзбекистон Республикаси Молия вазирлиги Ҳазначилигидаги ғазна ҳисоб рақамларига ўтказишади.</p>	Низомда белгиланган муддатларда
Инспекция	<p>Хўжалик юритувчи субъект ҳисобланган молиявий санкциялар (жарималар)ни тўлашни рад этган тақдирда, белгиланган тартибда судга мурожаат қилади.</p>	Хўжалик юритувчи субъектдан ҳисобланган молиявий санкциялар (жарималар)ни тўлашни рад этиши тўғрисидаги жавобни олгандан сўнг ўн кун муддатда
Инспекция	<ol style="list-style-type: none">1. Ўзбекистон Республикаси Молия вазирлиги Ҳазначилигидаги ғазна ҳисоб рақамларига санкциялар (жарималар)нинг тўлиқ миқдорда ўтказилмаганлиги ҳолатларини аниқлайди.2. Хўжалик юритувчи субъектларга тўлиқ миқдорда ўтказилмаган молиявий санкциялар (жарималар)ни тўлаш тўғрисидаги қарорни тақдим этади.	Молиявий санкциялар (жарималар) тўлангандан кейин ўн кун муддатда
Хўжалик юритувчи субъектлар	<p>Тегишли миқдордаги ўтказилмаган санкциялар (жарималар) Ўзбекистон Республикаси Молия вазирлиги Ҳазначилигидаги ғазна ҳисоб рақамларига белгиланган тартибда ўтказилади.</p>	Инспекциянинг қарори олингандан сўнг икки ҳафта муддатда

Қонунчилик ва бошқа норматив ҳужжатлар, давлат стандартлари талаблари ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифатини бузилганлиги учун молиявий санкциялар (жарималар)ни ҳисоблаш тартиби тўғрисидаги низомга
2-илова

Қонун ҳужжатлари ва бошқа норматив ҳужжатлар, давлат стандартлари талабларини ҳамда алоқа, ахборотлаштириш ва телекоммуникация технологиялари соҳасида кўрсатилаётган хизматлар сифатини бузилганлиги учун молиявий санкциялар (жарималар) МИҚДОРЛАРИ

Т/р	Кўрсаткичлар номи	Молиявий санкциялар (жарималар)миқдори (энг кам ойлик иш ҳақи миқдorigа нисбатан баравар)
1. Почта алоқаси		
1.1.	Ўтказмалар суммаларининг корxonанинг айби билан камомади ва ўғирланиши, ҳар бир ҳолат учун	11
1.2.	Корxона айби билан почта, курьерлик жўнатмалари йўқолиши, жойланмаларининг камомади, бузилиши (шикастланиши), ҳар бир ҳолат учун	10
1.3.	Ёзма хат-хабарларнинг жўнатувчидан олувчигача ўтишида назорат муддатларининг бузилиши, ҳар бир ҳолат учун	0,1
1.4.	Посилкалар ўтишида назорат муддатларининг бузилиши, ҳар бир ҳолат учун	0,5
2. Магистрал ва зонаичи алоқа тармоқларининг узатиш линиялари, каналлари, трактлари		
2.1.	Телефон каналларининг тўхталиш давомийлиги (шу жумладан, асосий рақамли канал (АРК)нинг тонал частотали каналлари, Е1 оқимлари), канал-соатларда, алоқа линиялари турлари бўйича 1000 км учун, чорак давомида ҳисоблаганда	1
2.2.	Радиореле ва оптик-тонали алоқа линиялари орқали ташкил этилган телевизион каналлар шикастланишларининг давомийлиги, 100 км линиялар учун минутларда, чорак давомида, ҳар бир минут учун	0,1
2.3.	Режадан ташқари ўлчашлар, станция шикастланишлари ва электр таъминоти қурилмаларининг шикастланишлари сабабли келиб чиққан тўхталишлар давомийлиги, чорак давомида, 100 та ишлатилаётган телефон каналлари учун канал-соатларда (шу жумладан, АРК тонал частотали каналлари, Е1, IP оқимлари)	0,5
3. Маҳаллий (шаҳар, қишлоқ) телефон алоқаси		
3.1.	Носозликларни назорат муддатларидан ортиқ муддатларда бартараф этиш вақти, ҳар бир 1000 телефон-соат учун	0,2
4. Кабель, эфир-кабель телеэшиттириш		
4.1.	Теледастурларни трансляция/ретрансляция қилувчи кабель/эфир-кабель телевидение студияси техник воситалари тўхталишлари давомийлиги, ҳар бир 1000 та абонент нуқта-минут учун	1

Т/р	Кўрсаткичлар номи	Молиявий санкциялар (жарималар) миқдори (энг кам ойлик иш ҳақи миқдорига нисбатан баравар)
4.2.	Кабель эшиттириш тармоғидаги техник воситаларнинг корхона айби билан бўлган тўхталишлари давомийлиги, ҳар бир 500 та абонент нукта- минут учун	0,1
5. Телевидение		
5.1.	Қуйидаги қувватлардаги телевизион узатгичларнинг корхона айби билан тўхталишлари давомийлиги, ҳар бир минут учун:	
	1 Вт дан 100 Вт гача;	0,05
	100 Вт дан ортиқ;	0,5
	шу жумладан норматив муддатлардан ортиқ.	1
5.2.	Қуйидаги қувватлардаги телевизион узатгичларнинг корхона айби билан белгиланган техник нормалардан оғишлари давомийлиги, ҳар бир минут учун:	
	1 Вт дан 100 Вт гача;	0,025
	100 Вт дан ортиқ;	0,25
	шу жумладан норматив муддатлардан ортиқ.	0,5
5.3.	Корхона айби билан рақамли пакетдаги телеканал ишлашидаги тўхталишлар давомийлиги (тарқатиш ёки телерадиоэшиттириш субъекти), ҳар бир минут учун	0,05
5.4.	Корхона айби билан рақамли пакетдаги телеканалнинг белгиланган техник нормалардан оғишлари давомийлиги (тарқатиш ёки телерадиоэшиттириш субъекти), ҳар бир минут учун	0,01
6. Йўлдош алоқаси		
6.1.	Йўлдош алоқасининг қабул қилувчи ва қабул қилувчи-узатувчи ер усти станциялари ишидаги узилишлар, ҳар бир минут учун:	
	а) телевизион узатувчи ер усти станцияси;	1
	б) телевизион қабул қилувчи ер усти станцияси;	0,01
	в) телефон алоқанинг қабул қилувчи-узатувчи ер усти станцияси.	0,1
6.2.	Йўлдош алоқасининг қабул қилувчи-узатувчи ер усти станциялари ишида белгиланган техник нормалардан оғишлар, ҳар бир минут учун:	
	а) телевизион узатувчи ер усти станцияси;	0,5
	б) телевизион қабул қилувчи ер усти станцияси;	0,005
	в) телефон алоқанинг қабул қилувчи-узатувчи ер усти станцияси.	0,05
7. Радиоэшиттириш		
7.1.	Қуйидаги қувватлардаги радиоэшиттириш узатгичлари ишида корхона айби билан тўхталишлар давомийлиги, ҳар бир минут учун:	
	1 Вт дан 100 Вт гача;	0,05
	100 Вт дан ортиқ;	0,5
	шу жумладан норматив муддатлардан ортиқ.	1
7.2.	Қуйидаги қувватлардаги радиоэшиттириш узатгичлари ишида белгиланган техник нормалардан корхона айби билан бўлган оғишлар давомийлиги, ҳар бир минут учун:	
	1 Вт дан 100 Вт гача;	0,025
	100 Вт дан ортиқ;	0,25
	шу жумладан норматив муддатлардан ортиқ.	0,5

Т/р	Кўрсаткичлар номи	Молиявий санкциялар (жарималар) миқдори (энг кам ойлик иш хақи миқдорига нисбатан баравар)
8. Радиоалоқа ва мобил алоқа тармоқлари		
8.1.	Мобил алоқа тармоқларида қабул қилувчи-узатувчи радио модулларнинг ишида корхона айби билан бўлган тўхталишлар давомийлиги, чорак давомида, 1000 соат ишлаши учун минутларда	0,05
8.2.	Тармоқнинг алоҳида участкаларида ускуна шикастланишларининг нормативдан ортиқ вақтда бартараф этилиши, ҳар бир минут учун	0,1
8.3.	Қорақалпоғистон Республикаси, вилоятлар ва Тошкент шаҳри бўйича ўрнатилган уланишнинг абонент ташаббуси билан бўлмаган узилиш билан тугалланган чақирувлар улуши (Call drop rate), чорак давомида, ўрнатилган уланишнинг абонент ташаббуси билан бўлмаган узилиш билан тугалланган ҳар бир 100 та чақирув учун, нормативдан ортиқ вақтда	0,1
8.4.	Қорақалпоғистон Республикаси, вилоятлар ва Тошкент шаҳри бўйича умумий чақирувлар сонидан муваффақиятсиз чақирувлар улуши (Call unsuccessful rate), чорак давомида, ҳар бир 100 та муваффақиятсиз чақирув учун, нормативдан ортиқ вақтда	0,5
8.5.	Қорақалпоғистон Республикаси, вилоятлар ва Тошкент шаҳри бўйича маълумотларни пакетли узатиш хизматидан фойдалана олиш коэффиценти, чорак давомида, ҳар бир нормативдан ортиқ ҳолат учун	0,5
8.6.	Қорақалпоғистон Республикаси, вилоятлар ва Тошкент шаҳри бўйича уланишни ўрнатиш вақтида нормативларга жавоб бермайдиган чақирувлар улуши, чорак давомида, ҳар бир нормативдан ортиқ ҳолат учун	0,1
8.7.	Қорақалпоғистон Республикаси, вилоятлар ва Тошкент шаҳри бўйича пакетларни коммутациялаш орқали маълумотларни узатишда ўрнатилган уланиш вақтининг коэффиценти, чорак давомида, ҳар бир нормативдан ортиқ ҳолат учун	0,1
8.8.	Қорақалпоғистон Республикаси, вилоятлар ва Тошкент шаҳри бўйича маълумотлар узатиш хизматининг узилиш коэффиценти, чорак давомида, ҳар бир нормативдан ортиқ ҳолат учун	0,1
8.9.	Қорақалпоғистон Республикаси, вилоятлар ва Тошкент шаҳри бўйича нутқни узатиш сифати нормативларига жавоб бермайдиган чақирувлар улуши, чорак давомида, ҳар бир нормативдан ортиқ ҳолат учун	1,0
8.10.	Мобил алоқа тармоғи учун маълумотлар узатиш тезлигининг ўртача қийматига риоя қилмаслик, чорак давомида, ҳар бир нормативдан ортиқ ҳолат учун	0,1
9. Даврий босма нашрлар		
9.1.	Истеъмолчиларга обуна даврий босма нашрларни етказиб бериш муддатларининг корхона айби билан бузилиши, ҳар бир нусха учун	0,05
10. Маълумотлар узатиш тармоқлари		
10.1.	Белгиланган маълумотлар узатиш тезлигига мувофиқ хизматлар кўрсатиш сифатининг корхона айби билан бузилиши аниқланган ҳолатлар сони, ҳар бир ҳолат учун	0,5

Т/р	Кўрсаткичлар номи	Молиявий санкциялар (жарималар) миқдори (энг кам ойлик иш хақи миқдорига нисбатан баравар)
10.2.	Оператор ва провайдерга боғлиқ бўлган сабабларга кўра маълумотлар узатиш ускунасининг нормативдан ортиқ тўхталиши давомийлиги, чорак давомида, ҳар бир минут учун	0,1
10.3.	Корхона айби билан маълумотлар узатиш тармоғига нормативдан ортиқ муддатларда фойдаланишни тиклаш вақти, ҳар бир тўлиқ соат учун	0,01
11. Халқаро коммутация марказларини четлаб ўтиб, халқаро овозли трафикни рухсатсиз ўтказиш		
11.1.	Қонунга хилоф равишда халқаро сўзлашувларни амалга оширишда фойдаланилган ҳар бир аниқланган абонент рақами учун	70
12. Телекоммуникация тармоқларини техник эксплуатация қилиш		
12.1.	Авария, узилишлар, тўхталишларга олиб келган телекоммуникация тармоқлари ва линия-кабель иншоотларини техник эксплуатация қилиш қондаларининг бузилиши, ҳар бир ҳолат учун	1
13. Телекоммуникация операторлари ва провайдерлари томонидан кўрсатилувчи ахборот-маълумот хизматлари		
13.1.	Телефон орқали техник қўллаб-қувватлаш хизматидан фойдаланиш коэффициенти пасайиши, чоракда, ўрнатилган нормативнинг ҳар бир бузилиш ҳолати учун	0,01
13.2.	Ахборот-маълумот хизматлари операторининг белгиланган нормадаги вақтдан ортиқ жавоб бериш вақти, ҳар бир ҳолат учун	0,01
14. Статистика ҳисоботи		
14.1.	Белгиланган тартибда идоравий статистика ҳисоботларини тақдим этмаслик, ўз вақтида тақдим этмаслик ёки ишончли бўлмаган маълумотларни тақдим этиш, ҳар бир ҳолат учун	10

Вазирлар Маҳкамасининг
2018 йил 7 мартдаги
185-сон қарорига
2-илова

**Ўзбекистон Республикаси Ҳукуматининг 2018 йил 1 июндан бошлаб
ўз кучини йўқотган деб эътироф этилаётган айрим қарорлари
РЎЙҲАТИ**

1. Вазирлар Маҳкамасининг “Алоқа соҳасидаги меъерий ҳужжатлар, давлат ва тармоқ стандартлари талабларини, кўрсатилаётган хизматлар сифатини бузганлик учун молиявий санкциялар (жарималар) тўғрисида” 2000 йил 14 августдаги 318-сон қарори (Ўзбекистон Республикаси ҚТ, 2000 й., 8-сон, 51-модда).

2. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек баъзиларини ўз кучини йўқотган деб ҳисоблаш тўғрисида (Ўзбекистон Республикасининг “Тадбиркорлик субъектларини ҳуқуқий ҳимоя қилиш тизими такомиллаштирилганлиги ҳамда уларнинг молиявий жавобгарлиги эркинлаштирилганлиги муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида” 2006 йил 10 октябрдаги ЎРҚ-59-сон Қонуни)” 2006 йил 10 ноябрдаги 235-сон қарори 1-иловасининг 27-банди (Ўзбекистон Республикаси ҚТ, 2006 й., 11-сон, 86-модда).

3. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида” 2012 йил 23 майдаги 143-сон қарорига илованинг 7-банди (Ўзбекистон Республикаси ҚТ, 2012 й., 5-сон, 34-модда).